

NO. SOALAN: 199

**PEMBERITAHUAN PERTANYAAN  
MESYUARAT KEDUA, PENGGAL KELIMA  
PARLIMEN KETIGA BELAS (2017)  
DEWAN RAKYAT**

---

**PERTANYAAN : BUKAN LISAN**

**DARIPADA : YB TUAN KHOO SOO SEANG  
[TEBRAU]**

**SOALAN :**

Tuan Khoo Soo Seang [Tebrau] minta PERDANA MENTERI menyatakan jika Kementerian sedar akan ketidakseragamaan antara garis panduan JAKIM dan tatacara piawaian jabatan agama negeri yang tidak membenarkan alat dan elemen penyembahan dalam premis pengilangan makanan halal.

**JAWAPAN: (YB MEJAR JENERAL DATO' SERI JAMIL KHIR BIN HAJI BAHAROM (B), MENTERI DI JABATAN PERDANA MENTERI )**

Tuan Yang di-Pertua,

Untuk makluman Ahli Yang Berhormat, peruntukan mengenai kawalan pensijilan, logo dan tanda halal adalah tertakluk di bawah Akta Perihal Dagangan 2011. Syarikat yang berstatus pemegang Sijil Pengesahan Halal Malaysia hendaklah sentiasa mematuhi prosedur pensijilan halal

yang telah ditetapkan oleh Jabatan Kemajuan Islam Malaysia (JAKIM)/ Majlis Agama Islam Negeri (MAIN) / Jabatan Agama Islam Negeri (JAIN) dari semasa ke semasa. Sijil Pengesahan Halal Malaysia (SPHM) adalah tertakluk kepada prosedur dan peraturan Pensijilan Halal Malaysia yang seragam di seluruh negara serta melalui satu sistem permohonan sahaja iaitu MyEHALAL.

Berdasarkan peruntukan dalam Manual Prosedur Pensijilan Halal Malaysia (Semakan Ketiga) 2014, tidak ada sebarang manual atau prosedur yang berbeza di antara JAKIM dan juga negeri (MAIN/JAIN).

Sekian, terima kasih.